



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CXCV. Ioannis Papae VIII. Ad Methodivm Archiepiscopvm Pannoniensem. Praecipit vt ad se veniat, vt de eius doctrina cognoscere poscit. Missas Sclauonica lingua celebrari prohibet.

urn:nbn:de:hbz:466:1-15967

EPISTOLA CXCIV.
 IOANNIS PAPÆ VIII.
 AD METHODIVM ARCHIEPISCOPVM
 PANNONIENSEM.

Præcipit vt ad se veniat, vt de eius doctrina cognoscere
 possit. Missas Sclauonica lingua celebrari
 prohibet.

Reuerendissimo Methodio archiepiscopo Pannoniensis ecclesiæ.

PRÆDICATIONIS tuæ doctrinis populum Domini tibi quasi spiritali pastori commissum saluare instrue-
 reque cum debeas, audiuius, quod non ea, quæ sancta
 Romana ecclesia ab ipso apostolorum principe didicit, &
 quotidie prædicat, tu docendo doceas, & ipsum populum
 in errorem mittas. Vnde his apostolatus nostri literis tibi
 iubemus, vt omni occasione postposita, ad nos de præsen-
 ti venire procures, vt ex ore tuo audiamus, & cognosca-
 mus vtrum sic teneas, & sic prædices, sicut verbis & lite-
 ris te sanctæ Romanæ ecclesiæ credere promisisti, aut non;
 vt veraciter cognoscamus doctrinam tuam. Audimus et-
 iam quod Missas cantes in barbara, hoc est, in Sclauina lin-
 gua; vnde iam literis nostris per Paulum episcopum An-
 conitanum tibi directis prohibuimus, ne in ea lingua sacra
 Missarum solennia celebrares; sed vel in Latina, vel in
 Græca lingua, sicut ecclesia Dei toto terrarum orbe diffu-
 sa, & in omnibus gentibus dilatata cantat. Prædicare ve-
 ro, aut sermonem in populo facere tibi licet, quoniam
 Psalmista omnes admonet Dominum gentes laudare, & *Psal. 116.*
 Apostolus: *Omnis, inquit, lingua confiteatur, quia Dominus Ie-* *Philipp. 2.*
sus in gloria est Dei Patris. Data vt supra.